

ხელშეკრულება №114-ბ/16

(საბიუჯეტო სახსრებით)

საფუძველი: საქართველოს მთავრობის 2016 წლის 11 თებერვლის #216 განკარგულება

ქ.თბილისი

21 ივლისი 2016 წელი

ჩვენ, ქვემოთ ხელის მომწერნი, ერთის მხრივ, შპს „საქართველოს მელიორაცია“, (შემდგომში - შემსყიდველი ორგანიზაცია), წარმოდგენილი კომპანიის გენერალური დირექტორის ლევან დვალის სახით და მეორეს მხრივ ი.მ. გივი ჩოგოვაძე (შემდგომში - მიმწოდებელი), ვხელმძღვანელობთ რა საქართველოში მოქმედი კანონმდებლობით, საქართველოს მთავრობის 2016 წლის 11 თებერვლის N216 განკარგულებით გამოყოფილი ასიგნების ფარგლებში, ვხელმძღვანელობთ რა საქართველოში მოქმედი კანონმდებლობით, „სახელმწიფო შესყიდვების შესახებ“ მე-3 მუხლის პირველი პუნქტის „ს“ ქვეპუნქტისა და მოხსენებითის ბარათების შ-7075 საფუძველზე გამარტივებული შესყიდვის საშუალებით ვდებთ წინამდებარე ხელშეკრულებას შემდეგზე:

**I. ხელშეკრულების საგანი**

- 1.1 ხელშეკრულების საგანია (შემდგომში - შესყიდვის ობიექტი) რეზინის პროდუქციის შესყიდვა დანართი №1-ში მოცემული კონკრეტული სახეობის, კონკრეტული მახასიათებლების, რაოდენობების და CPV კოდის შესაბამისად. (დანართი №1 თან ერთვის აღნიშნულ ხელშეკრულებას და ითვლება მის განუყოფელ ნაწილად).
- 1.2 1.1. პუნქტით გათვალისწინებული საქონელი განსაზღვრულია ქვემო ქართლის რეგიონის ზემო სამგორის სერვის-ცენტრისთვის (განაცხადი 2/27).

**II. შესყიდვის ობიექტის ღირებულება**

- 2.1. შესყიდვის ობიექტის საერთო ღირებულება შეადგენს 1440.00 (ერთი ათას ოთხას ორმოცი ლარი და 00 თეთრი) ლარს, საქართველოს მოქმედი კანონმდებლობით დადგენილი გადასახადების გათვალისწინებით.
- 2.2. შესყიდვის ობიექტის ერთეულის ფასი მოცემულია №1 დანართში.
- 2.3. ბიუჯეტის წინაშე ანგარიშსწორებას განახორციელებს მიმწოდებელი.

**III. შესყიდვის ობიექტის მიწოდების ვადები და ადგილი**

- 3.1. საქონლის მიწოდება განხორციელდება ხელშეკრულების გაფორმებიდან არაუგვიანეს 20 (ოცი) სამუშაო დღის ვადაში.
- 3.2. შესყიდვის ობიექტის ტრანსპორტირებას უზრუნველყოფს მიმწოდებელი შემსყიდველის მისამართზე: ფონიჭალა, რუსთავის გზატკეცილი N26.

**IV. შესყიდვის ობიექტის მიღება-ჩაბარების წესი**

- 4.1. შესყიდვის ობიექტი ჩაითვლება მიღებულად შესყიდვის ობიექტის ფაქტობრივი მიწოდებისა და შესაბამისი მიღება-ჩაბარების აქტის გაფორმების შემდეგ.
- 4.2. 4.1 პუნქტით გათვალისწინებული მიღება-ჩაბარების აქტ(ებ)ის გაფორმებაზე პასუხისმგებელ პირს წარმოადგენს შპს „საქართველოს მელიორაციის“ ლოჯისტიკის სამსახურის ქვემო ქართლის რეგიონალური ჯგუფის საწყობის მენეჯერი მურთაზ ბექაშვილი.

**V. ანგარიშსწორების ფორმა, ვადა და ადგილი**

- 5.1. მიმწოდებელთან ანგარიშსწორება განხორციელდება ლარებში.
- 5.2. მიმწოდებელს შესყიდვის ობიექტის ღირებულება აუნაზღაურდება უნაღდო ანგარიშსწორებით, საქონლის მიწოდების შემდეგ გაფორმებული მიღება-ჩაბარების აქტის და საქართველოს კანონმდებლობით გათვალისწინებული შესაბამისი საგადასახადო დოკუმენტების წარმოდგენიდან 10 (ათი) სამუშაო დღის განმავლობაში, რომლის ანგარიშსწორებაც მოხდება საქართველოს მთავრობის 2016 წლის 11 თებერვლის #216 განკარგულებით გამოყოფილი ასიგნებების ფარგლებში.

**VI. მხარეთა უფლება-მოვალეობანი**

- 6.1. შემსყიდველი ორგანიზაცია და მიმწოდებელი მოქმედებენ საქართველოს კანონმდებლობის სრული დაცვით.
- 6.2. შემსყიდველი ორგანიზაცია ვალდებულია:
  - ხელშეკრულებით გათვალისწინებული პირობების შესაბამისად, აუნაზღაუროს მიმწოდებელს შესყიდვის ობიექტის ღირებულება.

- 6.3. შემსყიდველ ორგანიზაციას უფლება აქვს:
  - განახორციელოს კონტროლი მიწოდებლის მიერ ხელშეკრულებით ნაკისრი ვალდებულებების შესრულებაზე;
  - მოსთხოვოს მიწოდებელს მიწოდებული შესყიდვის ობიექტის კონტროლის შედეგად გამოვლენილი დეფექტების აღმოფხვრა შემსყიდველი ორგანიზაციის მხრიდან რაიმე დამატებითი დანახარჯის გაწევის გარეშე.
- 6.4. მიწოდებელი ვალდებულია:
  - მიაწოდოს შემსყიდველ ორგანიზაციას შესყიდვის ობიექტი ხელშეკრულებით გათვალისწინებული პირობების შესაბამისად;
  - საკუთარი ხარჯებით უზრუნველყოს შესყიდვის ობიექტის კონტროლის შედეგად გამოვლენილი დეფექტების აღმოფხვრა;
  - დაიცვას ხელშეკრულებით გათვალისწინებული ყველა პირობა.
- 6.5. მიწოდებელს უფლება აქვს:
  - მოსთხოვოს შემსყიდველ ორგანიზაციას შესყიდვის ობიექტის ღირებულების ანაზღაურება ხელშეკრულებით გათვალისწინებული პირობების შესაბამისად.

**VII. გარანტია და ხელშეკრულების პირობების შესრულების კონტროლი**

- 7.1. მიწოდებელი იძლევა გარანტიას, რომ მის მიერ მიწოდებული საქონელი იქნება ქარხნული წარმოების, არ იქნება დაზიანებული (არ გამოავლენს ხარვეზებს) და იქნება მოხმარებისთვის ვარგისი, ასევე შესაბამისობაში იქნება ხელშეკრულების დანართი N1-ით განსაზღვრულ მოთხოვნებთან, წინააღმდეგ შემთხვევაში იგი ვალდებულია საკუთარი სახსრებით თავად უზრუნველყოს აღმოჩენილი ნებისმიერი ხარვეზის (დეფექტის) მქონე, ასევე დაზიანებული ან/და წუნდებული საქონლის შეცვლა ახლით შეტყობინების მიღებიდან 5 (ხუთი) კალენდარული დღის განმავლობაში.
- 7.2. ხელშეკრულების პირობების შესრულებაზე კონტროლს განახორციელებს შპს „საქართველოს მელიორაციის“ ლოჯისტიკის სამსახურის ქვემო ქართლის რეგიონალური ჯგუფის საწყობის მენეჯერი მურთაზ ბეჟაშვილი.

**VIII. მხარეთა პასუხისმგებლობა ხელშეკრულების პირობების დარღვევისას**

- 8.1. შემსყიდველი უფლებამოსილია ამ ხელშეკრულების 3.1 პუნქტით გათვალისწინებული მიწოდების ვადის გადაცილების შემთხვევაში დააკისროს მიწოდებელს პირგასამტეხელო ყოველ ვადაგადაცილებულ დღეზე ხელშეკრულების საერთო ღირებულების 3 %-ის ოდენობით;
- 8.2. შემსყიდველი უფლებამოსილია ამ ხელშეკრულების 7.1 პუნქტით გათვალისწინებული ვად(ებ)ის გადაცილების შემთხვევაში ყოველ კონკრეტულ ფაქტზე დააკისროს მიწოდებელს პირგასამტეხელო ყოველ ვადაგადაცილებულ დღეზე ხელშეკრულების საერთო ღირებულების 3 %-ის ოდენობით;
- 8.3. მიწოდებელი უფლებამოსილია ამ ხელშეკრულების 5.2 პუნქტით გათვალისწინებული ვადის გადაცილების შემთხვევაში დააკისროს შემსყიდველს პირგასამტეხელო ყოველ ვადაგადაცილებულ დღეზე მოცემულ მომენტში გადასარიცხი თანხის 3 %-ის ოდენობით;
- 8.4. იმ შემთხვევაში თუ ხელშეკრულების 8.1. პუნქტით გათვალისწინებული პირგასამტეხლოს რაოდენობა მიაღწევს მთლიანი სახელშეკრულებო ღირებულების 30%-ს, შემსყიდველს უფლება აქვს ნებისმიერ დროს ცალმხრივად შეწყვიტოს ხელშეკრულება. ხელშეკრულების შეწყვეტა არ ათავისუფლებს მიწოდებელს ხელშეკრულების პირობების შეუსრულებლობისათვის გათვალისწინებული პასუხისმგებლობიდან.

**IX. ფორს-მაჟორული სიტუაციები**

- 9.1. მხარეები პასუხისმგებელნი არ არიან თავიანთ ვალდებულებათა სრულად ან ნაწილობრივ შეუსრულებლობაზე, თუ ის გამოწვეულია ისეთი გარემოებებით, როგორცაა: წყალდიდობა, ხანძარი, მიწისძვრა და სხვა სტიქიური მოვლენები, აგრეთვე საომარი მოქმედებები, რომლებიც უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწევა შესაბამისი დროით, ხელისშემშლელ გარემოებათა აღმოფხვრის შემდეგ.
- 9.2. თუ ფორს-მაჟორული გარემოებების გამო სახელშეკრულებო ვალდებულებების მთლიანი ან ნაწილობრივი შეუსრულებლობა გრძელდება ორ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის მოთხოვნის უფლების გარეშე. მხარე, რომელსაც შეექმნა ფორს-მაჟორის გარემოება, დაუყოვნებლივ აცნობებს ამის შესახებ მეორე მხარეს.
- 9.3. ფორს-მაჟორული პირობების გათვალისწინება რეგულირდება მოქმედი კანონმდებლობის შესაბამისად.

**X ხელშეკრულების პირობების გადასინჯვა**

- 10.1. ხელშეკრულებების პირობების შეცვლა დაუშვებელია, თუ ცვლილებების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველი

ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ამ შემთხვევაშიც ფასის ცვლილება დასაშვებია არაუმეტეს 10%-ისა.

- 10.2. ხელშეკრულებაში ცვლილებების და დამატებების შეტანა შესაძლებელია მხარეთა თანხმობის შემთხვევაში. ნებისმიერი ცვლილება და დამატება ხელშეკრულებაში შეიძლება შეტანილ იქნეს მხოლოდ წერილობითი ფორმით. ხელშეკრულების პირობების ნებისმიერ ცვლილებაზე უნდა გაფორმდეს შეთანხმება, რომელიც ჩაითვლება ხელშეკრულების განუყოფელ ნაწილად.

**XI. ხელშეკრულების მოქმედების ვადა**

- 11.1. ხელშეკრულება ძალაშია მხარეთა მიერ მასზე ხელმოწერის დღიდან და მოქმედებს 2016 წლის 31 ოქტომბრის ჩათვლით.

**XII. დავა და მისი გადაწყვეტის წესი**

- 12.1. წამოჭრილი დავა ან აზრთა სხვადასხვაობა შესაძლებელია გადაწყდეს ორივე მხარის ერთობლივი მოლაპარაკების საფუძველზე.
- 12.2. თუ შემსყიდველი ორგანიზაცია და მიმწოდებელი მოლაპარაკებების დაწყებიდან 15 (თხუთმეტი) დღის განმავლობაში ვერ შეძლებენ შეთანხმების საფუძველზე გადაწყვიტონ დავა, მაშინ ნებისმიერ მხარეს შეუძლია მიმართოს სასამართლოს კანონმდებლობით დადგენილი წესით.

**XIII. სხვა პირობები**

- 13.1. საკითხები, რომელიც არ არის გათვალისწინებული ამ ხელშეკრულებით, რეგულირდება საქართველოს კანონმდებლობით დადგენილი წესით.
- 13.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.
- 13.3. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.
- 13.4. მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.
- 13.5. ხელშეკრულება შედგენილია ქართულ ენაზე 3 (სამი) ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან (2 ეგზემპლარი შემსყიდველთან, 1 ეგზემპლარი მიმწოდებელთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

**XIV. მხარეთა იურიდიული მისამართები და რეკვიზიტები, მხარეების წარმომადგენელთა ხელმოწერები, ბეჭედი**

**„შემსყიდველი“**

შ.პ.ს „საქართველოს მელიორაცია“  
საიდენტიფიკაციო კოდი 204524568  
მისამართი ქ. თბილისი, მარშალ გელოვანის გამზ.#6  
ს/ს საქართველოს ბანკი  
ბანკის კოდი: BAGAGE22  
ა/ა: GE58BG0000000182323100



გენერალური დირექტორი: **ალეკსანდრე დვალა**

**„მიმწოდებელი“**

ი.მ. „გივი ჩოგოვაძე“  
საიდენტიფიკაციო კოდი 60001016917  
მისამართი: ქ.ქუთაისი, გუგუნიას 15/3-69  
ს/ს საქართველოს ბანკი  
ბანკის კოდი: BAGAGE22  
ა/ა: GE18BG0000000207314900



ი.მ.: **გივი ჩოგოვაძე**

2016 წლის 21 ივლისის  
N114-ბ/16 ხელშეკრულების  
დანართი N1

№	დასახელება	ზომა	CPV კოდი	საზ.ერთ.	რ-ბა	ერთ.ფასი	ჯამი
1	რეზინის შუასადები	სიგრძე-1500მმ, დიამეტრი 30მმ	CPV-19510000	კმ	80	18.00	1440.00
	სულ:						1440.00 ლარი

„შემსყიდველი“

შ.პ.ს „საქართველოს მელიორაცია“



გენერალური დირექტორი:

ლევან დვალი

„მიმწოდებელი“

ი.მ. „გივი ჩოგოვაძე“



ინდ. შეწარმე:

გივი ჩოგოვაძე